

R. 3510

CAROLI A LINNÉ,

EQUITIS AURATI DE STELLA POLARI,

Archiatři Regii, Med. & Botan. Profess. Upsal. Acad. Paris.
Upsal. Holm. Petropol. Berolin. Imper. Londin. Angl.
Monsp. Tolos. Florent. Edimb. Bern. Soc.

S Y S T E M A

N A T U R Æ

PER REGNA TRIA NATURÆ,

Secundum Classes, Ordines, Genera, Species;
cum Characteribus, Differentiis, Synonymis,
Locis.

TOMUS PRIMUS.

EDITIO DECIMA TERTIA, AUCTA, REFORMATA.

C U R A

JO. FRID. GMELIN,

Philos. & Med. Doctor. hujus & Chem. in Georgia Augusta Prof.
P. O. Acad. Cæsar. Naturæ Curiosorum & Electoral. Moguntin.
Erfordensis, necnon Societ. Reg. Scient. Goettingensis, Physicæ
Tigurin. & Metallicæ Membri.

LUGDUNI,

Apud J. B. DELAMOLLIÈRE.

1789.



36. RHINOCEROS. Cornu solidum perenne conicum, naso infidens, cum osse non cohærens.

unicornis. I. R. cornu unico. *Gesn. quadr. p. 842. Albin. tab. muscul. 4. 8. Knorr delic. T. II. p. 110. t. K. X. Parsons philosoph. Transact. Vol. XLII. n. 523. Edw. av. t. 221. f. 2.*

Habitat inter & prope tropicos in paludosis, jam Jobo memoratus, sed nomine REEM; in pugnis animalium apud Romanos celebratis vulgatus, per longum tamen temporis spatium in Europa invisus, donec seculo decimo sexto aliqua ejus exempla in Europam devenerint: Videtur vepretibus, spinis, in cæno se volutans, parumper mansuescens, mitis, nisi laceffatur, irritatus cum fragore arbores prosternit; retro mingit & coit; unum modo pullum parit. Visus debilis, olfactus & auditus tanto præstantior.

Statura & magnitudine, pedibus brevioribus exceptis, non tamen sagacitate & docilitate ad elephantem, reliqua forma, moribus, voce grunniante propius ad suam præsertim æthiopicum accedit. Cutis dura, ut sagittæ, globuli sclopetarii, gladii ictus inde resiliant, nuda pilis, nisi cauda & auriculis: Suturae s. rugæ transversales α) capitis postica. β) scapularis. γ) abdominalis ante femora. δ) femoralis trans femora. Caro crassa, spongiosa, vix edulis. Lingua mollis. Cornu basi crinitum, acutum, fibrosum, 3 aliquando pedum longitudinem attingens. Dentes primores adulto nulli, juniore remotissimi solitarii occurrentes. Ungulae tres. Cauda attenuata, pedibus brevior.

bicornis. 2. R. conubus duobus. *Syst. nat. Ed. X. p. 56. n. 2. Sparrmann act. Holm, 1778. trim. 4. n. 5.*

Habitat in Africa, ossibus ejus, teste nuperius Pallas, frequentissime in Russia, boreali quoque sepultis; jam Pausaniae & Martiali dictus, in numo Domitiani obvius, a Cosmo sexto seculo memoratus, vix differre videtur specie, neque tamen modo sexu aut ætate.

Caro ad suillam, viscera ad equina accedunt. Cystis fellea nulla. Dentes primores nulli. Cornu alterum supra primum versus frontem.

Rarior est rhinoceros tricornis, tertio tum cornu ex alterutra priorum excrescente.